



## Disposiziun da l'uffizi

### Furmaziun supplementara obligatorica 2027

Tenor l'art. 56 da l'Ordinaziun tar la Lescha davart las scolas popularas (Ordinaziun davart las scolas popularas, OSP; DG 421.010) po l'Uffizi per la scola populara ed il sport manar tras curs da furmaziun supplementara e dietas da lavur per personas d'instrucziun e declerar la participaziun a tals sco obligatorica.

Areguard ulteriuras regulaziuns vegni renvià a las Directivas davart la furmaziun supplementara da personas d'instrucziun dal Departament d'educaziun, cultura e protecziun da l'ambient dal 1. d'october 2025.

Sin basa da quai, e cun resalva da l'approvaziun dal preventiv 2027 tras il Cussegl grond,

### dispona l'Uffizi per la scola populara ed il sport:

1. Las suandantas dietas da lavur resp. ils suandants curs da furmaziun supplementara vegnan declerads sco obligatorics per l'onni chalendar 2027 (per explicaziuns pli detagliadas en chaussa guardar agiunta):

<b>Champ tematic / territori linguistic / stgalim(s)</b>	<b>Titel / cuntegn</b>
Introducziun en la professiun (BELP) / tuts / tuts	Diversas occurrenzas davart l'introducziun en la professiun per personas d'instrucziun
Furmaziun digitala / tuts / tuts	Ils «Webinaris Furmaziun digitala» porschan ina furmaziun supplementara davart quatter differents temas ed èn adattads per tut las personas d'instrucziun. Per ina tscherta part da las personas d'instrucziun è la furmaziun supplementara obligatorica.
Furmaziuns supplementaras entaifer la scola / tuts / tuts	Ils purtaders da scola pon tscherner libramain la furmaziun supplementara entaifer la scola. Las furmaziuns supplementaras entaifer la scola che vegnan recumandadas dal chantun e purschidas da la SAPGR cumpiglian ils suandants champs tematics: «instruir ed emprender», «promoziun da la sanadad», «collavuraziun en la cuminanza da scola», «futur e midadas».
Varie / italiano / tutti	Aggiornamento per le e gli insegnanti del Grigioni italiano

Natira, uman e societad / tuts / stgalim primar	Furmaziun supplementara tar il med d'instrucziun «InVista Grischun» (3.–6. classa)
Musica / rumantsch e talian / stgalim primar	Furmaziun supplementara davart il med d'instrucziun «Musica» (titel da lavur) (1./2. classa)
Rumantsch sco lingua da scola / surmiran / stgalim secundar I	Furmaziun supplementara per la retscha da meds d'instrucziun «Mediomatix»
Italiano quale lingua scolastica / italiano / grado elementare	Perfezionamento professionale relativo al testo didattico «Orbita» per la 5 <sup>a</sup> classe grado elementare
Italiano quale lingua scolastica / italiano / grado secundario I	Perfezionamento professionale relativo al testo didattico «Orbita» per la 2 <sup>a</sup> classe grado secundario I
Moviment e sport / tuts / tuts	Curs da repetiziun «Nudar da salvament»; Furmaziun supplementara en didactica dal rom nudar; Curs da furmaziun supplementara da G+S per persunas d'instrucziun; Curs da furmaziun supplementara «Cupitgarola» ou «Sport en scolina»; Curs regiunals; Curs da cussegliaziun da gimnastica

2. Tenor l'art. 59 al. 2 lit. f da la Lescha davart las scolas popularas dal chantun Grischun (Lescha davart las scolas popularas, LSP; DG 421.000) èn las persunas d'instrucziun obligadas da frequentar ils curs.
3. Communicaziun ad: autoritads e direcziuns da las scolas popularas; instituziuns da la scolaziun speziala; scolas privatas; Scola auta da pedagogia dal Grischun, Scalärastrasse 17, 7000 Cuir; Uffizi per la scola populara ed il sport.

UFFIZI PER  
LA SCOLA POPOLARA ED IL SPORT  
DAL GRISCHUN



Dr. Chantal Marti-Müller